

ԱՐՁԱՆԱԳՐՈՒԹՅՈՒՆ 02

Հայաստանի Հանրապետության Արագածոտնի մարզում 2017թ. հոկտեմբերի

27-ին ժամը 14:00-ի կայացած մարզխորհրդի նիստի

Մասնակցում էին՝

Ա. Սիմոնյան	ՀՀ Արագածոտնի մարզպետ
Մ.Աբգարյան	ՀՀ Արագածոտնի մարզպետի տեղակալ
Ն. Մովսիսյան	ՀՀ Արագածոտնի մարզպետի տեղակալ
Հր. Գևորգյան	ՀՀ Արագածոտնի մարզպետարանի աշխատակազմի ղեկավար

Արագածոտնի մարզպետարանի աշխատակազմը, կառուցվածքային ստորաբաժանումների ղեկավարներ, Արագածոտնի մարզի համայնքների ղեկավարներ

Օրակարգ

1. Մարզի համայնքների բյուջեների կատարման և սեփական եկամուտների հավաքագրման ցուցանիշների մասին /զեկ./ մարզպետարանի աշխատակազմի ֆինանսական և սոցիալ-տնտեսական զարգացման վարչության պետ Ա. Ավետիսյան/:
2. ՀՀ Մաքուր Հայաստան» ծրագրի շրջանակներում կատարված և կատարվելիք ընդհանուր աշխատանքների մասին /զեկ./ մարզպետի տեղակալ Մ. Աբգարյան/:
3. Աշնանային գյուղատնտեսական աշխատանքների և ինտենսիվ այգիների հիմնման ծրագրերի մասին/զեկ./ գյուղատնտեսության և բնապահպանության վարչության պետ՝ Յու. Ազատյան/:
4. Համայնքների բնկաչության մասնակցությունը տեղական ինքնակառավարմանը (զեկուցող. ՏԻ և ՀԳՄՎ վարչության պետ՝ Ս. Հովսեփյան):
5. Հայտարարություններ այլ հարցեր (Ի. Բարսեղյան, Ա. Հակոբյան):

1. Մարզի համայնքների բյուջեների կատարման և սեփական եկամուտների հավաքագրման գործընթացի մասին զեկուցեց մարզպետարանի աշխատակազմի ֆինանսական և սոցիալ-տնտեսական զարգացման վարչության պետ Ա. Ավետիսյանը: Նա տեղեկացրեց, որ սեփական եկամուտների հավաքագրման աշխատանքները կատարվել են 63,5%-ով: Ներկայացրեց այն համայնքների ցանկը, որոնք այդ աշխատանքներում չեն կարողացել հաղթահարել 50%-ի շեմը: Առաջարկվեց համայնքի ղեկավարներին մինչև տարեվերջ տեղական տուրքերի վճարման մասով թերացումները շտկել: Խոսվեց ֆոնդային և վարչական բյուջեների, դրանց նպատակային ճիշտ ծախսերի մասին: Այդ կապակցությամբ մարզպետը առաջարկեց ցածր ցուցանիշ ունեցող համայնքների ղեկավարներին՝

Միջոցներ ձեռնարկել մինչև տարեվերջ սեփական եկամուտների հավաքագրման ցուցանիշները բարձրացնելու ուղղությամբ:

2. Մարզպետի տեղակալ Մուշեղ Աբգարյանը խոսեց ,, Մաքուր Հայաստան,, ծրագրի շրջանակում իրականացվող աշխատանքների մասին: Նշվեց, որ մարզպետի

կազրադրությամբ ստեղծված է հանձնաժողով, որը համակարգում է համայնքներում, մարզային եւ պետական նշանակության ճանապարհների հարակից տարածքներում իրականացվող մաքրման աշխատանքները: Մարզում կազմակերպվել է 1 մարզային եւ 3 համապետական շաբաթօրյակ, որոնց դրական արդյունքն ակնհայտ է: Խոսվեց Աղծք համայնքի և Ծաղկահովիտի տարածաշրջանում աղբահանության խնդիրների և դրանց լուծմանն ուղղված աշխատանքների մասին: Ուսումնասիրման ընթացքում բացահայտված 136 աղբավայրից 124-ը այժմ փակված է:

Մարզպետի տեղակալը ներկայացրեց ստեղծված նոր տեղեկատվական վիրտուալ համակարգի մասին, որը հնարավորություն կտա յուրաքանչյուր քաղաքացու մուտք գործել և տեղեկացնել որևէ վայրում աղբահանության կանոնների խախտման մասին: Ահազանգի հետքերով մարզային պատասխանատուները հնարավորություն կունենան արագ շտկելու և կարգավորելու խնդիրը:


3.Ներկաները տեղեկացան նաև գյուղատնտեսական ոլորտում իրականացված աշխատանքների եւ ծրագրի մասին, բերքահավաքի աշխատանքների ցածր ցուցանիշների մասին. օպերատիվ տվյալներով հավաքվել է շուրջ 145000 հազար տոննա խոտ, 65000 տոննա պտուղ եւ հատապտուղ, հնձվել է շուրջ 22000 հա հացահատիկ, միջին բերքը կազմել է 15-17 ց: Ցածր բերքատվության պատճառը Թալինի տարածաշրջանում երաշտն ու կարկտահարություններն են, որոնք վնաս են պատճառել նաեւ գյուղացիական տնտեսությունների բազմամյա տնկարկներին ու գյուղատնտեսական մշակաբույսերին: Բանջարաբոստանային, կարտոֆիլի ցանքատարածությունների, աշնանացանի առկա սերմացուների մասին տեղեկատվություն ներկայացնելուց նշվեց նաև, որ շատ դեպքերում համայնքի ղեկավարները չեն տիրապետում և սխալ տեղեկատվություն են ներկայացնում: Անդրադարձ եղավ նաեւ նոր ինտենսիվ այգիների հիմնան, հակակարկտային ցանցերի, ոռոգման կաթիլային եղանակի ներդրման, սերմացուների, ազոտական պարարտանյութի եւ դիզվառելիքի հատկացման խնդիրներին եւ դրանց արդյունավետ իրականացմանը /Յու. Ազատյան/:

4.Խոսվեց տեղական ինքնակառավարմանը համայնքների բնակչության մասնակցության դերի բարձրացման մասին, որոնք առաջանալու են այս ոլորտում համայնքների խոշորացումից հետո: Մեկ անգամ ևս կարևորվեց մինչև խոշորացումը վարչական և ֆոնդային բյուջեների ծախսերի ժամանակ առաջնորդվել բացառապես ՀՀ օրենսդրությամբ /Ս. Հովսեփյանը/:

5. Նիստի ավարտին մարզում համայնքների կողմից ներդրումային ծրագրերի աջակցմանն ուղղված խորհրդատվական ելույթում հնչեցին յուրաքանչյուր ծրագրին մեթոդական և բովանդակային օգնություն ցուցաբերելու մարզպետարանի պատրաստակամության մասին: Խոսվեց այն ոլորտների մասին, որոնցով հնարավոր է նոր ծրագրերի միջոցով զարգացում ապահովել համայնքներում: Նշվեց նաև, որ մարզպետարանը այս հարցում կարող է միջնորդ հանդիսանալ միջազգային կազմակերպություններից ֆինանսական ներդրումներ ապահովելու գործում, եթե ծրագրերը ճիշտ և նպատակային կազմվեն /Ի. Բարսեղյան/ :

Մարզխորհրդի նիստին հնչեցին նաև հարցեր, որոնց տրվեցին պատասխաններ եւ պարզաբանումներ:

«Արագածոտնի մարզպետ»



Ա. Սիմոնյան